

台州外書卷十

郡人戚學標鶴泉輯 男寶寧長川校字

客宦錄 補職官流寓所未備并改正謬誤

〔漢〕全 柔吳志全琮傳父柔棄官歸錢塘靈帝就拜東部

都尉

張 紘建安四年孫策遣紘奉章入許曹操出紘為東

部都尉後孫權以東部事少令居守遙領所職江表

傳權於張紘不名但曰東部

賀 齊建安初孫策以齊為永寧長代韓晏討商升并

破其別帥 漢末永寧非即今黃岩或地大實兼之志職官既收韓晏即不當遺齊列女傳錄瞿

台州外書 卷十 客宦

素亦其例也

〔吳〕范 平字子安錢塘人研究墳索徧該百氏姚信賀邵

之徒皆從受業吳時舉茂才累遷臨海太守政有異

能孫皓初謝病還家晉太康中累徵不起年六十九

卒謚為文貞先生 志作漢時誤

〔晉〕虞邱進字豫之東海鄰人隆安中從劉裕擊孫恩元興

元年又從討盧循於臨海石步固與循相拒二十餘

日

〔宋〕孔 顓字思遠山陰人孝建三年除臨海太守吏部尚

書顏峻奏其意業闕素與王彧並任為散騎常侍

王錫太保宏之孫僧達之兄質納乏風采罷郡臨海還送故及奉祿百萬以上僧達一夕令奴輦取無復所餘

蔡興宗考城人廓之子宋世祖初遷臨海太守徵爲臺門郎太子中庶子

劉延熙以兄延孫蔭大明中爲司徒右長史黃門郎出爲臨海太守

齊王暹之字宣約臨沂人少禮學博聞起家江夏國常侍大司馬行參軍章安令

沈文季字伯達武康人父慶之宋司空文季少以寬雅正直見知明帝出爲臨海太守飲酒至五斗與妻對飲竟日而視事不廢兄子昭畧亦爲臨海太守以私爲王思遠所奏

梁范岫字懋賞考城人與沈約俱爲蔡興宗所禮泰始中奉朝請累遷臨海長城二縣令多識前代舊事人稱范長頭

沈崇僚字思整武康人梁高祖以其學行徵爲太子洗馬陳讓經年乃補永寧令自以祿養不及親哀思而卒

劉毅字仲寶晉丹陽尹真長七世孫少方正有器局

自國子禮生射策高第為寧海令遷湘東王記室參軍

〔陳〕錢道戢字子韜吳興長城人天嘉元年領剡令鎮於縣之南岩尋為臨海太守鎮岩如故侯安都討留異道戢帥軍出松陽斷賊後以功拜都督陳書臨海太守尚有王懷振庾

持二人

陸子隆字興世吳人起家東宮直後張彪引為將彪平世祖復使領其部曲板為中兵參軍歷始豐永興二縣令後進號雲麾將軍

〔隋〕李公孝永寧令九歲外繼父後妻亡河間劉炫以無撫

台州外書

卷十 客宦

三

育恩議不解任劉子翊駁正之

見劉子翊傳按時初平陳未廢郡故有永

寧令

〔唐〕王

緒天寶末為台州錄事參軍

見廣異記

張

例始豐令

見太平廣記

李敬方有喜晴詩到台十二旬一片雨中春云云題下

自注時左遷台州刺史

見天台前集別編

令狐棻仙居令見迺賢二真廟詩敘云貞女死隋大業

間唐令令狐棻始建廟溪上

王 葆乾符二年任台州刺史王郢之亂葆退守唐

或作崔葆

五代 林 勲 閩之長溪人以鹽鐵使轉督台州軍事遂徙居

黃岩半嶺即今團浦梅溪諸林之初祖

吳延福廣順間台州刺史繼入參相府事以錢宏仰代

見十國春秋

宋張景修字敏求常州人治平進士起汝州梁令紹聖初

知黃岩嘗兩為憲曾五領郡符終祠部郎中工詩有

張祠部集

阮 駿字千里紹聖中監台州稅方臘亂率兵防禦

親射賊踏五人賊遂退

李文饒吳縣人為台州司理多陰德

台州外書

卷十 客宦

四

張 杞高宗幸台以右武大夫命權知州事一切供應

無缺

何昌世郡司理高宗駐蹕金鰲率吏民奉迎請入城上

大嘉獎特改宣教郎除大理丞

班彥功號恕齋司理台州米南宮沸泉石刻彥功為跋

洪 柳适季子以承奉郎監台州商務稅自忠宣皓簿

寧海文惠适判台州至柳祖父孫三世並仕台云

姚 鎔合沙老儒以晚科主黃岩學在黃作喻白蟻文

又做柳河東三戒作三說其馬嘉魚說尤工

姚 寬字令威嘗為杜瀆場監杜瀆之側有石柱山甚

奇下皆煎鹽之所去章安不遠寬有海門南望天侵  
水正直金鰲駐蹕山之句

李宗質字文叔本濮人家四明由權通判隆興府遷知  
台州抑告許懲奸惡增學田以養士在台威惠最著

見樓  
鑰集

徐子寅字協恭其先登州人徙鄞孝宗時知高郵軍泰  
州提舉淮南常平繼知台州革秋苗偽鈔去軍士虛  
籍寬權酷征稅又買田五百畝贍學宮蠲積逋十餘  
萬遷廣西提刑卒於官名宦有趙子  
寅另一人

呂 亢文穆公之後守台州日嘗命工為鱗圖見丹  
鉛錄

台州外書

卷十 客宦

五

林端行永嘉人繼王華甫宰黃岩與成大善寺鐘見鄭  
大惠

鐘銘  
敘

陳 著字子微明州人寶祐進士起福寧令為政識大  
體而用小心咸淳末以監察御史知台州宋亡隱居  
奉化詩文無晚宋陋習女適寧海胡三省子德華  
孫 璫明州人工部侍郎願質子知臨海縣奉母在官  
元兵至母子俱蹈難死璫文章政事嘗為葉丞相夢  
鼎王尙書應麟推薦比死台人莫不傷之

元李遵道任黃岩州知州父息齋善畫竹遵道竹木尤優

於其父

按黃岩職官有李士行蒞邱人泰定元年  
任世稱李蒞邱父子竹遵道疑士行字

塔不台色目人嘗官台州慕周待制仁榮學行命其子受業卽忠介公台哈布哈也

楊維翰字子固號方塘鐵崖兄也為天台校游戲筆墨竹石精妙柯九思推遜之

陳元祚東陽人至正間以浙省員外郎督制仙居修二

真廟見迺賢金臺集

王鉉翁字中實遂昌人判黃岩州痛治吏胥之奸及亭

戶之恣橫為民害者奸民挾偽鈔板首官詞連富人

察其詐詰之具服新州北浮橋三年政績具舉見王忠文

韓集

台州外書

卷十 各宦

顧元臣松江人名士阿瑛子至正間為寧海千戶時姑

蘇構李間音間隔絕者二年後以副都萬戶由台航

海歸父子相慶分韻賦詩袁子英為敘台十陳聚柯

九思等並與其間

**明**滕懋德字思勉吳人元季為浙江行省掾叅政朶兒只

班辟為叅謀從討方氏方氏降留撫台州台人德之

明初徵授中書省掾至戶部尚書

嚴 德江南太平人從明祖起兵積功為海寧衛指揮

從朱亮祖討方氏戰歿於台州追封天水郡公明史附濮

英傳

下

許 洪字南耕吉水人洪武初以浙江行省檢校省務  
至台公館故有妖暮夜擲瓦石傷人吏白請別借民  
居洪不許毅然入之是夜妖不作以後頓絕見楊東里續集  
孔文奐字世傑陝西安化人浙江道御史在黃岩決疑  
獄有聲

陶 成字孔思鬱林人正統中由大理評事擢浙江僉  
事有智畧倭寇台之桃渚成密布釘板海沙中誘使  
上岸釘洞足背自是畏之遠去後以討處州賊死王  
事贈左叅政

唐堯臣號真山南昌人嘉靖間以僉事駐台與戚繼光

台州外書

卷十

客宦

七

協謀平倭先是僉事李三畏破倭於隘頑堯臣繼之  
功尤偉同時著戰功者又有紹興府通判吳成器監  
軍知縣趙大河

梅守德字純甫號宛溪嘉靖時任台州推官獨見清操  
訟至卽決百姓無守候之苦

沈履祥慈溪人宸荃之子嘗爲知縣僞魯王監國從父  
舉兵以御史督餉台州城破避山中被獲死之明史  
以

上宦跡  
在台者

吳王 述赤鳥三年採藥天台山息石橋下見溪中一小  
青衣長尺餘乘赤鯉逕入雲中風雨起頃刻已遁入

溪乃黑蛟也

晉王羲之字逸少爲會稽內史旣去官與東土人士盡山水之游又與道士許邁共修服食採藥石不遠千里徧游東中諸郡窮名山泛滄海今天台黃岩並傳有右軍墨池

呂竦兗州人隨父寓居始豐其父嘗暮行溪中風雨晦暗誦觀音經須臾火光來岸照見溪中了了逕得還家

宋謝靈運性喜山水數至臨海作詩贈太守王琇有邦君難地險旅客易山行之句

台州外書

卷十 客宦

八

唐李白蜀人開元中白見天台司馬子微於江陵謂白仙風道骨可與神遊入極之表天寶間旣放廢遂恣遊山水窮台越之勝久之還廣陵泊族人李嘉祐守台意後遊石梁則在上元間白年已老云

魏萬號王屋山人慕李白爲人自嵩宋沿吳數千里訪之天寶十三載冬聞白在天台遂由四明入國清徧歷靈溪華頂而白已去次年春始遇之廣陵萬酬白詩所謂雪上天台山春逢翰林伯也萬後改名顯上元初登第

孟浩然襄陽人嘗從永嘉泛海至天台尋太乙子有宿



桐柏觀等詩

徐知業官侍郎少時遊天台歇大樹下岩上石盤欲墜  
聞空中語曰下有人石屹然架樹回身乃落震地塌  
然

陳 謀字仲猷閩長溪人僖宗時歷戶部侍郎晉尚書  
弟謙字仲光選尚主論字仲孟由進士出為刺史一  
門貴盛厄於宦官方鎮不得行其志丁母憂歸里會  
閩亂挈家泛海至黃岩之温嶺居焉嘗建祇園妙巖  
資福龍光前定五寺宋天聖間祇園僧惠興刻石至  
今存 按陳謙尚主新舊唐書並佚

台州外書

卷十 客宦

九

五代劉 瑑河中人唐節度使沔之孫父福建招討使棖從  
討不董昌卒於越州錢氏據杭聞瑑才辟為指揮使  
瑑見方鎮專恣不樂仕進避地台南之唐嶺改姓為  
金

鄭 偃字武卿號恂齊唐末舉進士石晉時避宗文進  
之亂與弟修同至台偃居黃岩澤庫子孫代有仕宦  
修別家仙居

宋陶 榘官台州司戶叅軍徙黃岩南趙畧至今地名陶  
夏蓋子孫避諱去其偏旁云或云榘別字太和嘗為  
裏溪巡檢本涿郡人皇祐間始來台占籍即宗儀之

始祖

孫 連字伯充與弟簡字伯業俱以建炎己酉避地白  
葵女携家至臨海嘗泛舟憩天柱精舍來往湧泉吳  
文叟家

吳 說字得朋建炎初携家寧海依洪儼以居有和洪  
成季寧川卽事及避地山中等作

姜 筠淄州長山人官朝奉大夫隨駕至台擇便居  
海寶學誥其孫也

王廉清與明清皆曾吉父外甥隨任台州廉清後再至  
邵題詩玉霄亭感舊慨然

古州外書

卷十

客宦

十

五十朋永嘉人授徒樂清台士多從之游後守會稽並  
曾至台永嘉之學前梅溪後水心皆台學淵源所自  
其外又有王成叟亦在台授業

鍾 璇字叔齊常熟人遊天台遇異人衣僧服持列禦  
寇書揖坐磐石指定水曰此水滔滔乃皇極大中之  
道自是有悟放浪漁釣間范成大薦之於朝不赴見

燕志

陳 亮字全父號龍川爲朱晦翁所器晦翁持節台州  
全父來訪郡士聞其名爭禮重

陳 蒙四明人司業塤子年十八上書論事吳子良奇

其才以女妻之為太府主簿以攻賈師憲貶建昌德祐初召不赴蒙父子多在台司業與杜清獻鮑光契厚

翁元龍字時可號處靜鄞縣人工詞為杜清獻客清獻

家居相隨至黃岩遂留家焉文酒之宴清獻非處靜

不歡也志誤為郡人並失其本名

史蒙卿字景正號靜清處士鄞人彌輩之孫登咸淳進

士監鄂帥呂文德軍宋亡不仕講學不輟從者日衆

以天台多名山僑寓者八年見袁桷所撰墓志志誤為史義卿

戴表元字帥初奉化州人宋末避兵台州多在舒景薛

台州外書 卷十 客宦

士

劉正仲兩家論說詩文意氣相得兵定後客寓於鄞

舒劉二人亦在彼授徒往來無間

文天祥字宋瑞吉安人景炎元年鎮江脫歸由真州轉

入通州航海來台舟泊仙岩變姓名至張和孫家約

舉義同行有李成呂武胡文可諸人

元趙孟頫字子昂湖州人宋宗室國亡慮人物色遁跡天

台楊處士叔和數庇之後以薦官翰林承旨德楊不

置手書致謝附程敏政跋子昂書後云意於授人緩於報德蓋世之通病而况丁家河之

得所依庇者哉趙魏公於天台楊處士有池卷不己之意可謂厚矣處士四世孫商霖起進士

憲以文行知名於今寶藏此帖吾又意處士平生不獨庇魏公一事而積學累行固有以貽其後人而勿

替是可寶已予見魏公書真行多俊逸流弊獨此卷典重不苟豈以處士為前輩人故與

王 彝字常宗嘉定人少貧讀書天台山中師事孟長文氏長文為金華金文安公弟子故學有端緒時楊維禎文雄一時彝獨作論抵之目為文妖

李孝光號五峯樂清人詩名重海內嘗與柯敬仲並受知梁王黃岩陳提舉叔夏其甥也兩家故常往來其孫女又適星山陳元焉

陳 高字子上平陽人客寓松門訪臨海朱伯賢兄弟於鳳巖携酒登楓山觀海賦詩一時名流並集其所著有不繫舟漁集

高 明字則成瑞安人至正中官浙東闔幕都事棄職寓鄞之櫟社感劉克莊死後是非誰管得滿村爭唱蔡中郎之句作琵琶記後抱病還鄉至寧海愈篤遂卒焉

進 雨字士霖山陰人工樂府元末寄居台州避地隱跡為山水之游貝瓊清江集有送進士霖歸天台詩

明劉 基字伯溫青田人元至正間寇橫海上奉省檄佐戎台州謂烏合不難平朝廷務姑息專事撫降致寇益熾扼腕而已在台多交文士如黃元徽林伯雲朱伯賢集中皆有唱和作

章 溢字三益龍泉人元末寇亂自於本境結鄉兵防禦寇不敢犯台州之急石抹公召溢赴援寧海城獲全溢有功焉及處州破乃歸明祖

章 綸樂清人銳志向學不以一第自足既成進士走黃岩從章主事陬受經由是所業益進

鄭善夫字繼之閩人正嘉間伉直不容於朝好游名山踏雪入天台郡守顧華玉招之不顧至黃岩黃尚書綰時家居有築室羽山招與共學之約

黃道周號石齋閩人學問氣節爲天下重嘗來黃岩訪吳給諫朗公同遊九峯寺唱和

國朝

陸 圻字麗京號講山自杭州棄家入天台與朱之任兄弟詩文往來酌唱同時後先寓台者有柴虎臣蔡九霞並仁和人又有武進韓公嚴惲正叔等俱屬清操山水娛適台人至今想其風采

紀 青字竺遠世家金陵有學行工詩明末棄諸生入天台國清寺爲僧捐棄世累林泉自得其子映鍾屢迎請不歸青子女並能詩

注樹琪號湄洲與侯彝門在杭州友善才名亦相埒晚寓霞城陶情山水詩境愈進息園齊宗伯敘其所作謂如斜陽雨後眺隔湖青山峯橫嶺側嶂複巒紆羅

羅秀出於烟波杳靄中可望而不可卽

桑調元號敬甫餘姚人以經學舉 召對授主事喜遊  
覽山水徐括菴宰太平司訓朱嵩齡其同窓友至台  
相訪愛天馬鶴鳴之勝留竟月多所題咏邑人亦承  
其指授

王又曾字受銘秀水人由中書歷比部與陳拜君友好  
來天台同遊石梁坐曇華亭上拜君吹笛又曾賦詩  
意度清遠洒然物外後自永嘉再遊台拜君已逝題  
詩漱瀟居感嘆而去以上客寓於台者